



# SIUMUT INATSISARTUNI ILAASORTAATITAT

Nuuk, 25.januar 2012

Inatsisartut suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

09.november (sagsnr. 2011-057776) akissutissinnut apeqqutsinik nangitsineq.

**Inatsit imaluunniit Peqqussut suna tunngavigalugu, Pissiani Pinngorsuarmilu inissat ingerlanneqarnerat A/S Ini-mit akisussaaffigitinneqarani suliffeqarfimmum illuutinik niuerutiginnittumut namminersortumut aqutsinnejqarpat?**

**Ilumoorsinnaava A/SINI Pissiani Pinngorsuarnilu inissianik aqutsinissaminut piginnaaneqanngitsoq? Aqutsinissaminut piginnaaneqannginneranut suna tunngavigineqarpa?**

**Pinngorsuarni inissiat attartortittakkat ineqanermut akiliutaat, Namminersorlutik Oqartussat inissiaataannik allaniit kvadratmeterimut akisunerunerannut suna tunngaviuva? Naminersorlutik Oqartussaat Nalunaarutaat nr.12, 23. april 2008-imeersoq § 72-79 naatsorsuinermi tunngavigineqarsimanerluni?**

**Illuutinik niuerutiginnittarttoq inissianik attartortittakanik aqutsisutinnejqarneranut tuniniaasarneranullu qanoq annertutigisumik akilerneqartarpa?**

**Tuapannguani napasuliami 7-immi inuinnarnut attartortinnejqartut, napasuliani 4, 5, 6-imilu Namminersorlutik Oqartussani sulisuuusuullutik attartortuniit sooq sakkortunerusumik piumasaqaateqarfingineqarpas?**

Malik Berthelsen aamma Kim Kielsen, Siumut

## Tunngavilersuut:

1. Apeqqutsitsinni siulermi Pissiani Pinngorsuarmilu inissiat A/S Ini-imit aqunneqannginnerat, **Inatsisartut peqqussutaannik nr.12, 28.oktober 1993-imeersumi § 2, imm. 2-imut** naapertuitinnginnersoq erseqqissumik akineqanngimmat apeqqutigeqqipparput. Peqqussummimi allassimavoq Namminersornerullutik Oqartussat inissiaataasa aqunneqarnerat ingerlanneqarnerallu inissiaatileqatigiiifflup A/S Ini-ip suliassarigai. Tamatumunnga tunngatillugu peqqussutip sukkut sanioqqunneqarsinnaanera nassuaateqarfingequarput.
2. Tupigusuutigaarput inissiaatileqatigiiifik A/S Ini, Namminersorlutik Oqartussat inissiaataannik attartortittakkani 6.500-inik ingerlatsillunilu aqutsinisseqartoq, Pissiani Pinngorsuarmilu aqutsinissaminik piginnaaneqanngitsutut Naalakkersuisunit nalilerneqarsimammat. A/S Ini Pissiani aqutsinissaminut piginnaaneqarsimanngippat, taava sinerissami illoqarfinni allani tamani sooq A/S Ini aqutsisutinnejqarpa?
3. Oqaatigineqarpoq Pinngorsuarni inissiat suliariumannittussarsiuunnejqarneranni kvadratmeterimut akimik (13.082kr.) pitsaalluinnartumik angusaqartoqarsimasoq. Ineqarnermullu Naalakkersuisup arlaleriarluni oqaatigisarpaa atuisut ineqarnermut akiliutissaasa minnepaaffiimminniissaa anguniarlugu sanaartornermut akikinnerpaaq qinertarnissaa pingaartillugu. Taamaakkaluartoq Pinngorsuarni inissiat inissianik allaniit akiliutaat qaammammut kvadratmeterimut 17kr. missaanik, tassa inissiamut 73m<sup>2</sup>-imut

1.200kr.-imik akisunerupput, naak sanaartorneranni akimik pitsasumik isumaqatigiittoqarsimagaluartoq. Ineqarnermut akiliutit taamat nikingatignerannut suna tunngaviuva?

4. Tuapannguani napasuliami 7-imik inuinnarnut attartortinneqartuni najugaqartut qularnaveeqqusiiñermut qaamatinut 6-innut akiliisinneqartassasut aammalu attartornerminniit taamaatsitsiniarunik qaammatnik 3-inik sioqqutsillutik nalunaaruteqartarnissaat piumasaqaataavoq. Illuatungaani Namminersorlutik Oqartussani sulisut qaammatinut 3-inut qularnaveeqqusiiñassapput attartornerminiillu taamaatsitsiniarunik qaammammik 1-imik sioqqutsillutik nalunaaruteqassallutik. Siumumi isumaqarpugut innuttaasunik taamatut assigiinngisitsineq akuersaarneqarsinnaanngitsoq. Taamaattoqarneranut suna tunngavigineqarnersoq kissaatigaarput.